

四庫全書

集部

欽定四庫全書

集部

居竹軒詩集卷三

四

詳校官編修<sub>臣</sub>范來宗

中書<sub>臣</sub>劉源溥覆勘

覆校官主事<sub>臣</sub>李駿

校對官主簿<sub>臣</sub>汪日贊

謄錄監生<sub>臣</sub>唐作梅

欽定四庫全書

居竹軒詩集卷三

元 成廷珪 撰

律詩七言

寄湖州烏雅太守時有福建叅政之除

萬里中原路未開  
誰傾銀漢洗氛埃  
諸公多向江南老  
遠使頻從海上來  
九月溪寒鷗夢熟  
三山秋暝鶴書回  
莫揮白髮新亭泪  
且醉烏程下若杯

次韻答馮仁伯

閉門風雨過重九却憶同登江上臺獨客詩成扶病起  
故人書到拆封開自憐風物隨南土誰有文章落上台  
黃菊紫萸渾未見興來聊復舉吾杯

甫里先生故宅是時馬縣尹葺其廟

太湖三萬六千頃一代高賢獨此翁故宅有僧茶竈在  
荒池無主鴨闌空松陵唱和知誰再茆屋襟期與我同  
最愛長洲馬明府艱危猶自挹高風

周平叔夜宿崇明寺海雲樓偕羅成之隱君文

長老及盧隱君以沙頭雙瓶為韻各賦詩四

首次韻卷後

滄洲三月住星槎聞訪青原隱者家四老詠歌能玩世  
百年聚散若搏沙饑來且食書中粟老去空悲鏡裏花  
明日分攜各努力暮雲回首隔天涯

老去無因接勝遊題詩煩寄海雲樓天空直與海無底  
雲起正當樓上頭黑水幾程通直谷青山一髮是瀛洲  
高明境界無塵到撫卷令人咏未休

天台老衲兩眉龐自起高樓枕石扛煮茗別開留客處  
論文多近坐禪牕冥鴻散去猶相逐獨鶴飛來不作雙  
明發仙舟上霄漢定傳詩話滿滄江

天水空明接杳冥老禪三昧解通靈欲將東海為平地  
盡捲西江入淨瓶宿靄微分沙鳥白晚風猶帶毒龍腥  
他時月夜來相覓笑指狼峯五朶青

邱克莊敞雲樓

君家樓外雲如海五色輪囷掃不開每就月明簷下宿

更隨秋色座中來  
瓊臺夜鶴迷蹤跡  
玉女春衣費翦裁  
看汝乘將朝帝所  
舉頭西北是蓬萊

題玉巖上人溪山野趣圖

流水淙淙石齒齒  
滿庭雲氣欲模糊  
白鷗溪上秋多少  
黃葉山中路有無  
十月雨深漁屋破  
三江風急野航孤  
年來難覓幽居處  
空向晴牕看畫圖

寄越上能仁寺用章俊禪師

幾年卓錫住苕溪  
一日尋山入會稽  
蒲室塔曾藏舍利

道林堂已種菩提空中雲氣開樓閣門外湍聲雜鼓輦  
草木變遷吾老矣隔江南望轉淒迷

和周伯溫叅政九日南園宴集詩二首

步履巉巖若跨鰲望中詩興與秋高西山拄笏東山屐  
右手持杯左手螯返照入湖明塔影斷雲將雨過林臯  
松間飲散歸來晚金粉霏霏濕錦袍

范相南園五百秋重來訪古轉多愁啼烏樹老臺空在  
飲馬池荒水不流芹泮好從多士樂桂叢誰賦小山幽



諸公高會詩如錦授簡安能接勝遊

嘉興繆同知號菊陂因賦

傑哉霜下轉精神一色中黃不染塵  
老圃看花迎宰相  
秋潭分水候仙人  
千年東里歸何早  
九日南陂賞  
闕  
在昔神農書上藥至今醫國慰斯民

馬瞿睿夫題張伯雨外史評黃子久畫仙山樓  
觀圖

陵谷東南幾變遷瓊臺仍在白雲邊  
閻浮世上今何日

句曲山前第八天說法久要狂外史揮毫曾識大痴仙  
人間俯仰三千歲撫卷題詩一惘然

賀畊叟晚香亭

幽香分得東籬本每候開時九月前晚歲誰從陶靖節  
高風獨數傅延年清秋泛酒賓筵盛白髮簪花客帽偏  
若個芬芳同老境魏公佳句至今傳

二月十四日風雨孤坐秀州城西僧舍賦此

秀州城西春事微二月苦雨行人稀江湖渺然不可渡

風雨如此將安歸老來口腹胡為累亂後人民今見非  
兼旬不得武林信倚杖南望孤鴻飛

送馬令尹任滿

長洲赤子窮無告正賴郎官為撫摩兵後人家猶耒耜  
日長官社有弦歌越來溪上波聲小魯望祠前月色多  
自古長才須大用薦書元不待常何

題嘉興水西寺爽溪樓寄新仲銘長老

新公邀作爽溪遊為說前朝有此樓雲氣遠開天北極

風光仍在水西頭  
虛簷古瓦緣蒼鼠  
曲洞輕波漾白甌  
宸翰僅留飛白在  
烟塵漠漠使人愁

賀長洲縣令尹馬公除樞密院都事

報政期年上考書  
君才端合應時須  
三公掾屬多為相  
兩府郎官半是儒  
夜帳論兵銀燭撫  
春庭稱壽綵衣趨  
蒼生久墮巔崖苦  
定有嘉言贊廟謨

次張仲舉侍讀韻

詞源浩浩倒岷江  
直筆如公世少雙  
目下十行千字過

身長九尺兩眉龐世間忠烈應知感地下姦諛豈豎降  
老客中吳最蕭索白頭猶爾讀書牕

東饒介之

魯連不為商賈事賀監自是仙人解紛排難乃豪傑  
嗜酒狂歌非隱淪燕雀一生謀水食鳳凰千仞出風塵  
太湖之水東作海海上桃花樹樹春

寄張內翰

中原不見舊山河使節仍煩涉海波天末草烟春信早

江南風雨客愁多謝公擬獻中興頌壯士寧忘勅勒歌  
萬里相忘成永決白頭蕭索奈公何

題王仲德思誠齋

六鑿相攘總失真一誠無妄見斯人指揮直擬回天地  
祭祀還能給鬼神別室著龜先兆汝前楹鳥雀自相馴  
明年執玉朝廷上會見尊嚴動縉紳

愛汝端居入靜思察機尤在未萌時天人孚感原無間  
物我交攻每日持行遠升高應得已齋心浴已固知之

屈伸洞見陰陽理榮瘁休嫌風露枝

賦得落星湖送瞿睿夫任滿之詩

南湖北湖春水多  
隕石不築神龍窩  
渚花汀草各無賴  
雲影天光相蕩摩  
天星勸汝一盃酒  
海月聽我千年歌  
斗牛之槎若可待  
送子八月乘銀河

錢塘謝太守有書見邀作此詩以謝之

一緘遠寄楚狂生  
上有錢塘太守名  
堆案幾時疑是夢  
焚香三讀見高情  
五湖風月曾賓主  
四海交遊總弟兄

少待西風漸涼後六橋荒蘚尚堪行

饒介之有詩見貽次韻奉荅

一夜南風約曉晴看山如在越中行  
丹藏別室生虹氣嘯入空巖作虎聲  
倒澗枯松留古恠懸崖飛瀑漱寒清  
神仙若個能千歲吾欲崆峒問廣成

數日南風陰復晴飯餘閒繞綠陰行  
竹間病鶴褊褊影池上驚魚撥刺聲  
老子髣髴如此白道人心迹本來清  
能詩誰是周公子學得陰何五字成



賀李左丞再入中書

上公開府馭群英妙算神機屬老成  
裴度向來歸綠野  
謝安重起為蒼生  
朝廷約法三章舊天地  
功成百穀盈  
不有武功除暴虐  
豈無文教答升平

萬壑松濤為邵彥清賦

草堂夜夜聽松濤  
誰挽滄溟壓樹梢  
雷谷震驚龍換骨  
風林搖蕩鶴傾巢  
玉山月白簫聲雜  
銀漢天清劍氣交  
我與周弘同洗耳  
乘槎便欲渡三茅

寄周平叔就求蒼耳子

周侯久不通書問  
夜夜滄江入夢頻  
五月采來蒼耳子  
幾時分送白頭人  
沙頭酒熟田毛足  
港上船來海錯新  
南北相望千百里  
老來幽獨倍傷神

再題邵彥清萬壑松濤

秋入空山萬竅鳴  
山前山後亂潮生  
不知天籟非人籟  
却認風聲似海聲  
直榦也隨羊角旋  
高枝唯恐鶴巢傾  
畢宏韋偃還聽否  
慘淡經營畫得成

蘇臺晚望

野色蒼茫落照中  
荒臺扶杖倚秋風  
延陵百里吳封舊  
震澤三江禹迹空  
濁酒更須澆磊砢  
黃金不解鑄英雄  
側身北望中原近  
幾處神州正朔同

送謝太守平江省親迴武林就送鵞酒之貺

五馬旣秣車載脂上堂欲別還遲遲  
拜家已得阿母喜還郡即慰邦人思  
幾年東閣舊傾蓋今日西湖誰賦詩  
野翁慙無一字補輒敢籠鵞臨墨池

送張師廉歸富春

讀書不逢萬乘尊，獻策豈傍諸侯門。  
放歌蘇臺晚山碧，濯足太湖秋水渾。  
千金未易買駿骨，一飯何足哀王孫。  
風塵拂衣且歸去，高卧桐江雲水村。

寄題海上積善庵水竹軒

水閣雲廊深復深，開軒綠霧常陰陰。  
涼骨濯足月在港，清晝讀書風滿林。  
食笋也勝魚肉味，截筒誰作鳳凰吟。  
清涼更在聲塵外，夜夜海潮生妙音。

題何永孚瓶齋

井湄須問揚雄酒松下空藏智永書  
一日挈之來市肆百年將汝置齋居  
龍泉舊物魁名在鶴髮仙翁手澤餘  
我亦有瓶誰撫玩新詩題罷轉愁予

七月久陰十日甲子復大雨

七月十日甲子雨徹夜簷溜無休時  
野老驚呼后土濕秋田仰望皇天慈  
饑烏覓食亦散漫病鶴顧影空禱禱  
青泥沒屐不可出蝦菜何以供晨炊

題黃岡賈彥德碧梧軒

賈誼井西梧十尋百年秀發根株深銀床分潤長新葉  
翠竹交枝成好音季春花香自零落高秋雨氣相蕭森  
何當臨軒坐白石為子再歌孤鳳吟

寄題松江徐君瑞柳堂

稚柳一歲高於母濯濯風流健似人九烈效靈連送客  
三眠扶起並留春狀如車蓋生來異色比宮袍染更新  
入對長楊應未晚馬前飛絮撲香塵

送韓仲讓都司梁溪督兵防秋

今人勲業古人心立馬梁溪恨滿襟  
兵讖謾傳山有錫軍裝端信橐無金  
風高古壘黃花晚霜落平原白草深  
南省相君方倚重邊廷窮虜敢相侵

賀毅剛中長老住承天禪寺詩二首

十刹親題請疏開法筵擊鼓動春雷  
自離南楚傳燈後重為東吳倡道來  
兩柱承天行日月六鼇從地湧樓臺  
靈山諸佛生歡喜散作祥風遍九垓

海上東來轉法輪  
祖衣傳久色逾新  
攜將天目山中雨  
洒向蛾眉石上塵  
行道要從無佛處  
開堂須著有緣人  
等閒拈出菩提子  
百草千花不當春

九月一日寄謝太守

出入侯門五見春  
每承分粟濟清貧  
託交獨喜君知我  
臨老猶將子累人  
公論幾時令捧檄  
私恩有日效扶輪  
魚書一札珍藏在  
白髮西湖願卜隣

謝王左丞鶯酒之惠



深巷曾經顯者過春風披拂到松蘿  
右軍墨沼龍鶩在左相官瓶送酒多  
鄉井未忘生處樂江湖猶賦醉時歌  
階墀久不投名刺奈此衰翁老病何

題覺報寺茂元長老白雲窩

白雲窩裡爛如銀不住虛空着幻身  
趺坐也教龍入定巢居還許鶴為隣  
自緣色界閑來往誰與天香作主賓  
若問吾家安樂法老夫曾學避秦人

送松江朱煥章之烏程令尹

新除令尹烏程去霜落湖田十月初貂帽錦衣懷印綬  
青簾白舫載圖書到官先謁將軍府省俗仍陪太守車  
東望吳淞三百里莫因蓴鱸賦歸歟

題元上人怡雲軒

白雲本是山中物暫與山僧作主賓爾解自舒還自捲  
我能無喜亦無嗔半間莫惜分餘地一籠猶思贈遠人  
句曲有家空在望卜居何日許為隣

王唯賢東里草堂

平安一橋吾舊遊君屋乃在橋東頭晚山得月更宜酒  
春水到門還放舟太守詩成寫素壁老夫興發思滄洲  
淮南叢桂不得往撫卷因之生遠愁

送黃觀瀾尚書吳伯尚廉使之江西征討

白髮儒臣著武冠公卿相送出朝端恭承斧鉞行天討  
喜見旌旗擁夏官直北聲名從此振平南籌策有人看  
虎皮會見包戈甲十郡蒼生奠枕安

江西寇盜本王民正賴諸公為解紛使者精忠懸白日

尚書高義抗浮雲喜傳天上旌旗出肯使山中玉石焚  
千古魯連高世士尚將談笑却秦軍

送羅成之移居崇明其子季通亦之本州校官  
先生八月乘烟霧妻子同隨海上槎太守賓筵先肅客  
廣文官舍即為家波濤浩蕩藏陰火島嶼微茫接太霞  
聞說三洲多藥草可能無意到丹砂

送羅季通之崇明學政

海上孤舟作冷官也知清選重儒冠秋潮好掣珊瑚網

曉日休歌苜蓿盤  
士子幾家能食祿  
汝翁早歲已遺安  
老人亦有乘桴意  
僦屋西沙度歲寒

八月三日書所見

青軍黃軍日自鬪  
西城南城門不開  
諸侯相對面似土  
今我不樂心如灰  
饑烏在樹噤無語  
蒼蠅滿案從何來  
年哀但願飽糲食  
意到聊且持吾杯

秋日登甘露寺晚眺

醉裏摩挲望眼開  
江天寥落暗風埃  
猶聞西府兵麾滿

不見中原驛馬來今日賈生須痛哭當時祖述是英才  
翩然一笑下山去試看高僧話劫灰

送孔士瞻憲史考滿歸曲阜

素王之後多賢者清稼今為幾代孫能以紀綱持憲法  
每將節義答君恩江淮一道風霜肅汝潁三秋霧雨昏  
不有俊良當世用可無章疏達天閭

送張明善歸武昌隨又移家眷入蜀

對酒悲歌泪滿衣楚天搖落又斜暉風塵萬里與君別

江海一舟何處歸老去且留吾舌在愁來長惜壯心違  
臨歧不盡平生意沙苑無雲鶴自飛

南安周知事瑞雀

歲歲雙栖傍主人昔年誰與號嘉賓應圖夜半銜環報  
不比階前得食馴公幹題詩猶未遠不疑作頌祇如新  
東風更得周郎便看爾翩翩上苑春

送廣東帥郎鄭彥昭貢香藥入京詩一首

萬里番禺入貢來過淮一日到蓬萊海中藥草無人識

天上桃花有處栽  
聖代賓興方重士  
星郎年少况多才  
也知白壁虞卿禮  
猶在黃金郭隗臺

謝馮仁伯送朱與舒鴈

短髮晨梳雪幾莖  
老來那復愛虛名  
只憑藥餌扶衰朽  
更藉詩篇寫性情  
天地此心唯報主  
江淮多事尚聞兵  
香粳分得誰相送  
舒鴈籠來未忍烹

送馬士瞻帥掾高權

風塵如此送君行  
念爾才華獨老成  
軍旅未聞忘俎豆



掾曹多見到公卿  
滄江日射旌旗影  
紫閣風悲鼓角聲  
玉麈談玄何事業  
雲臺圖像是功名

靜逸處士顧仲庸

環堵蕭然一室寬  
只除詩酒寄清歡  
瓶中有粟分寒士  
袖裡無書上熱官  
揚子暮年空識字  
龐公早歲已遺安  
先生獨卧風塵表  
吾欲相從接羽翰

題周子端惻隱齋

此心隨感與天同  
念爾斯人水火中  
拯溺未能空下涕

救焚何以自成功百年底事多殘忍四海於今喜擴充  
將見運之於掌上世間無物不春風

吾欲卜居海上未有定止先作詩寄劉子彬

滿目風塵祇自憐輕裝已辦有行纏也知避亂依城郭  
更欲移家傍渚田紫步於今無士馬滄溟何處有神仙  
桃源只在人間世還許漁郎放釣船

送適思誠出盱眙教諭

年年送人作校官也知當代重儒冠固因學舍人才盛

自覺戎藩禮數寬一縣士風今日見百年師道後來看  
淮山堂上清於水莫遣驚塵到杏壇

和張仲舉博士見寄至日詩

衡門風雪人稀到一箇幽軒竹四圍半子送年將舊酒  
諸孫迎歲索新衣驚鴻此日猶南去老鶴何年共北飛  
却憶太常張博士天香攜袖早朝歸

題漁樂手卷

江湖如此兩閒人除是玄真與季真長笛自吹皆古調

短蓬相並即比隣科頭不異今漁者托迹空聞古逸民  
亦有涿陽湖上客買舟來約理絲綸

十一月十四日有感寄江州太守李子威

清朝如此盛公卿何以攄忠答聖明數月未收蘄水賊  
一時誰散武昌兵朱門舊邸空文藻黑夜歸舟有笑聲  
獨使狀元賢太守至今猶捍九江城

邊報傳來實失驚妖氛獨不犯湓城義兵一日同生死  
信史千年托姓名別戍幾人迴士馬滄江通夜走公卿

九州盡得如公者始信文儒有老成

賦吳陵鳳凰池送陳子成

蓬萊閣前春水生丹邱之鳳雙飛鳴滄波照見雲錦色  
碧落散作簫韶聲豈無仙人下刷羽亦有隱者來濯纓  
池上於今望吾子一曲陽春歌太平

和張仲舉五月薦櫻桃之作

四月上林蒲笋出玉堂風致一時新也知天上櫻桃宴  
不致山中草莽臣皂帽醉歸當此日金盤分賜共何人

吾家一樹紅堪摘取薦春醪莫笑貧

送傅德潤陪將作同知武昌買馬回京

維揚館裡送軺車却算分攜八載餘天使出求沙苑馬  
星郎厭食武昌魚數鞭已報充華殿上豕毋忘過舊廬  
老我平生無駿骨可從郭隗借吹噓

送霍仲臯還京

驛程萬里入皇都還過梁城取別途天下軍需何日了  
淮南民瘼幾時蘓求田問舍非良策憂國忘家是壯圖

黃閣相君應有問願聞一語贊嘉謨

送盛克明辟掾浙省移家吳興

十年三送滄江別此日分攜又不同  
辟掾遠趨青鎖闥移家喜近水晶宮  
勿論後會知何地且念離羣獨老翁  
幕府郎君應問訊為言憔悴坐詩窮

和周子通助教同張元禎倡和詩卷子

懶性何堪接貴遊松江之下每科頭  
不能取友山中社更欲移家海上州  
老去生涯清似水興來詩思淡於秋

玉堂傑作難為和白首狂吟祇自愁

寄李子潔憲副時湖北殘破却於太平開司

武昌遺老望旌旗正是諸君報國時  
令弟九江全死節明公南海有生祠  
臺中妙選邱山重湖北先聲草木知  
一道憲綱還舊觀真儒端可佩安危

題崔原亭竹深處予家有竹數竿人號曰居竹  
軒原亭城西別墅有竹亦數竿則又號之曰  
竹深處予與崔君通家來往所好相同故及



之

居竹軒中也自寬不愁無地著琅玕文公胃次空千畝  
李洞門前只一竿天與老夫醫惡俗日憑童子報平安  
崔家別墅尤高致遲子歸來守歲寒

經山法城禪師高弟善上人以楚章為號因題

卷後

從向經山禮法城善端開後愈分明千年楚國非無寶  
一個吳僧得此名江月自隨行道影風林猶聽讀書聲

舊家白雪親曾和處處叢林得散行

題丹陽鄒隱君自得齋

天宇清明淑氣微昔年曾約試春衣  
傍花隨柳無人識弄月吟風只自歸  
達士一生空好飲老夫六十始知非  
陶然不得從君樂注目滄江白鳥飛

題陽學訓曹元秉歸漂水

先生武惠之子孫粹然言貌如春溫  
清門為庶忽老大白首窮經猶討論  
諸生分題候堂試二膳擊鼓供盤飧

今晨拂衣不肯住興在江南山水村

題蘇文仲中宣使寶善齋

星郎自是魯璫璣寶善稱之信不誣豈與黃金同日語  
合登清廟應時須澠池漫詫連城璧滄海空傳照乘珠  
何似人中無價者君家先世有三蘇

送婁所性歸溧水

大學小學列六齋先生講席多英才公堂昕鼓會食罷  
門榜月錄分題來清時如此教養脩老夫一見心神開

東書胡為賦歸去石田未必荒蒼苔

陳養吾寄韻

我本滄江樵牧人却憐垂老見風塵  
邊城笳鼓傷心近野寨旌旂入望新  
四海正歌垂拱日百年猶憶至元春  
艱難未改心如鐵潦倒空悲髮似銀

送尹敬思令尹歸青州并序

敬思令尹早歲從遊中山王京甫之門晚歲  
致政歸田閉戶著書重來廣陵倏四十八年

出其所著大學集註有功于後學多矣乃兄  
孝思憲僉亦被召可謂難兄難弟詩中故及  
之

玉雪丰神未七旬江淮誰識舊儒臣  
眼空四海歸何早  
胃著千年汲愈新從學王門唯此老  
發揮朱子更何人  
青州門外京華近吾欲相從一問津

憲簽被旨方修律令尹歸田獨著書  
一代儀刑留製作  
十章條目補遺餘  
青州高起耆英社  
白髮同垂澤下車

不得清風接芳躅可憑短札問何如

七月十日浙省有警懷羅善先掾史後聞使閩

未回

淮楚風塵可奈何南州又復動干戈三山城郭故人遠  
八月江湖夜雨多白髮滿頭同老境滄洲何處可行窩  
裁書欲問平安否海濶天高雁未過

蔣文甫以其祀親之室扁曰思齋時余方哭母  
故及之

老去思親十二時燈前猶誦蓼莪詩  
齋嘗彷彿歸來也  
顏色分明夢見之間寢不忘晨起早倚門誰念暮歸遲  
多君苦行多於我忍聽長原楚些詞

送婁所性迴金陵別業

楚甸驚塵滿客衣古之賢達在知幾山中桂樹我將老  
江上草堂君獨歸刁斗連城嚴肅肅旌旗垂野淨輝輝  
金陵酒熟還相憶莫遣詩筒信使稀

簡江西宋子與令尹楊翼之李斯立二先生

八月涼風催早寒  
家山空憶路漫漫  
滄江無處問書信  
白日何人生羽翰  
曉霧瘴天迷故國  
夜潮流月到長干  
諸君莫責王夷甫  
我輩深慙管幼安

題海陵張孝子傳

孝子張起其父幼失怙恃  
淮上兵革悲其母  
失散三十年行求四方得之濟陰

汝翁早歲值風塵  
與母分離三十春  
遠道求之疑隔世  
高堂喜極轉傷神  
干戈滿地方多事  
骨肉全家有幾人



甚欲題詩歌孝子老懷興感恐沾巾

哭江州太守李子威

將帥愴惶忽棄城孤忠何以獨支撐尚聞傳檄誅狂寇  
猶自開倉舉義兵千古報君心未死九江圖像面如生  
至今月黑匡廬下彷彿悲風有戰聲

哭湖廣省郎中劉遵道

百年正氣此銷沈空使諸公淚滿襟厚地無人收白骨  
皇天有眼識丹心親王兵衛終難倚太尉樓船不可尋

一自岳陽開省後更無消息到於今

哭御史張彥威

平生恨不識張桓烈烈轟轟御史官生有高風驚海內  
死無遺憾負臺端盤根錯節於今見孝子忠臣後代看  
一片汝陽城下土何人高義葬衣冠

十月一日聞徐州復

黃河不解洗彭城空使羣凶起鬪爭一載始通南國貢  
三山猶駐朔方兵寄奴故里人何在亞父荒陵土欲平

却憶朱陳好村落幾時烟雨看春畊

王彥芳得月樓

棟宇依稀接廣寒  
通宵月色好相看  
人間塵土無來處  
天上神仙正倚欄  
子晉吹簫秋引鳳  
常娥飛珮夜乘鸞  
興來擬借清光便  
碧海三山振羽翰

胡雲夫槎山手卷代人作

故山西望白雲飛  
幾向江樓倚夕暉  
藜杖只隨浮世在  
草堂終待主人歸  
長開篋笥看華翰  
不遣風塵上彩衣

今夕羽書連報捷燈花先喜到親闈

送祕書太卿高志道總戎淮西

祕閣儒臣讀武經親承齋斧下清溟魚龍出海瞻卿月  
牛斗迴天避將星掃蕩妖氛清社稷指揮能事速風霆  
玉堂豈少昌黎筆重刻平淮第一銘

王彥芳逢春塢

雪牕深鎖不曾開却似陽春有脚來瓊樹每從天上見  
杏花多近日邊栽任教南國芙蓉怨莫遣東家蛺蝶回

小圃無多閑草木也分生意發枯荄

蓮花鮓為顧從母夫人壽

采花曾入水雲鄉誰有仙人服食方分餉恰如蘆葍味  
開包猶帶芰荷香瑤池阿母親曾造畫漿吳姬恐未嘗  
更折碧筒來送酒一時稱壽獻高堂

和婁所性見寄韻

想見滄洲白鳥雙寒潮依舊落空江移家有日同春酒  
翦燭何人共夜牕欲寄短書心未展每傳佳句意先降

吾家歲晚風流甚雪後冰壑尚滿缸

王元剛竹所

手種新梢已拂雲滿林蒼翠亂紛紛  
龍蛇影動當牕見鸞鶴聲來隔座聞  
東里先生常直造西隣隱者欲平分  
滄江歲晚多霜雪與爾知心獨此君

和顧仲庸韻兼謝送米

醉裏高歌若有神山林無處著閒身  
饑來欲問餐松者老去猶為乞米人  
織女機空星化石麻姑酒盡海生塵

洒清溪上梅花發誰共先生醉好春

和黃觀瀾軍前見寄韻兼呈高志道祕卿

干戈久動阻淮濱喜得邊庭捷報真東海魚蝦初入饌  
中原桑棗半為薪祕卿船未移渦口左轄軍先入壽春  
多少手無兵刃者可憐猶是賊中人

十二月十九日北門書所見

歲云暮矣北風涼獨立高樓望大荒霧氣似塵黃作色  
日輪如血赤無光經綸尚有諸公在韜畧原非我輩長

憑仗天威驅號令由來和氣致休祥

寄四明夢堂靈禪師兼簡用堂上人

五山十刹鬱嵯峨獨愛溪堂隱薜蘿  
淮海故人今有幾江湖尊宿近無多  
不聞毛女求詩去每見倭僧問法過  
說向梗公重相憶碧雲日暮奈愁何

寄靈禪師四十年前在天寧方丈曾求賦毛女

詩

短杖輕袍歸去來水雲多處少塵埃  
一春海鳥依簷宿



五月溪蓮繞舍開  
雲外送僧歸  
日本月中攜客過天台  
哀翁不得瞻圓相  
猶望新詩托雁迴

送馬易之回四明

雨水經旬雪復作  
巷陌春泥斷往來  
東海祇留詩卷在  
南湖誰送酒船迴  
自慙白髮殷懃別  
可惜瓊花次第開  
我憶慈溪舊遊地  
不知淮泗有風埃

送李平仲教諭回通州

縣庠官滿將歸日  
聖代賓興大比年  
脩榜已聞居第一

前程誰謂隔三千  
茲晨劍影黃塵外  
後夜書聲碧海邊  
少待秋風叢桂發  
鹿鳴看爾赴初筵

送曹德輔州判率淮農三百人赴畿內墾田之

行

茱萸灣上發官航  
農事相催入帝鄉  
玉雪手標多似舅  
風雲意氣已為郎  
諸公妙筭回天地  
百穀神功叶雨暘  
來歲隨班見明主  
定頒鸞誥錫高堂

送劉禹玄州判率農夫多人詣畿墾田

京畿華壤盡提封  
開闢掄材獻九重  
使者傳宣來萬里  
郎官分職領三農  
江淮田賦方全免  
邦國軍需足上供  
今日送君歌此曲  
廟堂無復慮年凶

送清淮叟上人遊五臺

鴈門西畔是靈山  
山作青螺五髻鬟  
春日花開殘雪裡  
僧房人在白雲間  
善財叅問何時遍  
文暢嬉遊幾日還  
淮海清公更瀟灑  
早將聞見動禪關

寄廣平太守鄭彥章

湖山阻絕三千里臺閣勤勞十五年黃霸終然為宰相  
赤松老矣號神仙洛陽城裡還無屋洺水村中好問田  
走也侯門舊賓客白頭不得與周旋

次顧清逸見寄韻

滿目干戈獨損神古之忠義不謀身杜陵白髮空憂國  
王衍清談已誤人城郭祗今餘瓦礫村墟何處避風塵  
妖氛不到西清上千樹桃花別有春

和婁所性韻就謝寄漢帖二本之詩

兩帖真如白璧雙山靈呵護過滄江不知明月生春浦  
每恠晴虹貫夜牕老去祇留詩卷在愁來寧受酒杯降  
竹軒近喜多風致活水栽荷滿石缸

六月十三日聞邊警甚急有感而作

邊風六月作秋聲世事驚心百感生臺閣故人猶嗜酒  
閭閻小子亦談兵紅巾似草何時盡白骨如山幾日平  
甚欲移家渡江水老來幽獨最關情

寄黃觀瀾經歷時率八衛漢軍屯盱眙

秋滿東南第一山古來賢達幾登攀  
兩城樓閣西風裏八衛旌旂北斗間  
羽扇綸巾君未老麻衣草座我空閒  
閉門擬撰平淮頌河上來看奏凱還

送劉澹翁總管歸江陰時年九十歲

曾侍家君接勝遊於今復見舊風流  
江湖諸老半黃壤鄉里小兒今白頭  
車馬在門為客好干戈滿地使人愁  
芙蓉城內宜高隱叢桂山中莫久留

和孫行簡夜宿萬壽山經閣詩韻二首

蜀岡縹緲之飛樓風簾霧箔懸高秋雲間五色孤鳳下  
木杪幾個哀猿愁書生素有萬言策主人贈以千金裘  
滄江坐嘯者誰子碌碌虛名何足收

九曲池邊有秋色水光蕩漾清于苔白雲相邀上山去  
明月更喜隨人來一聲兩聲松子落千朶萬朶芙蓉開  
老僧悟我靜中意不遣階墀留俗埃

送廬山高齋赴南康監郡時兵火之餘在吳城

山開司

公昔騎麟下星渚前身恐是匡廬君孤城遺老窮無告  
太守真符喜見分彭蠡帆檣明夕照吳城旌旆拂秋雲  
明年春殿論功賞傳奏先將姓字聞

送王彥芳之南臺御史

南臺二十四松廳上應微垣執法星定有威名清廣海  
豈無章疏動朝廷鐵冠精彩還簪筆寶劍磨礲始發硎  
竹下明年候驄馬也應旌節照林坰

張仲舉博士書來言其老健能夜書小字仍飲



量不減喜而賦此詩錄上

一秋兩得平安報讀罷寒暄喜不勝花底振衣清似鶴  
燈前書字小如蠅蛭仙道骨無人識博士官銜此日升  
江上蓴鱸好時節豈無清夢到吳興

癸巳九日

今年九日無一錢杞菊滿院秋娟娟閉門不出何所作  
抱膝長吟真可憐城東買竹欲移屋溪上種秫空求田  
餘生飽喫廣陵飯更擬作詩三十年

送徐州李判官供給役滿歸

千里旌旗接軸轡王師日久費供需  
抵知天下金如土豈謂人間米似珠  
此日論功猶受賞何人報主肯忘軀  
詎無執法如公者能上封章亦丈夫

輓王彥達

老來正賴君醫我客裡那知我哭君  
人世百年修短定江城一日死生分  
錦帆湓上誰家屋龍井莊前處士墳  
魂魄東西招不得杏花村落雨紛紛

送詩僧立平山住圖山東遐寺

東遐只在海門東二月西橋送遠公  
明月不來過竹下白雲相引到山中  
早時彷彿三生會何日風流一笑同  
少待春暉野花發新詩還肯寄哀翁

東宮典寶監知事史仲文赴京之任賦詩二首  
為餞

宮官比日盛才賢寮案光華得妙年  
東禁總分清切地前星偏近紫微天  
朱研玉斗時開珎香爇金爐曉奏牋

朝覲從容問先世鄂公忠孝是家傳

征車載道馬駟駟更盡沙頭雙玉瓶十月淮南逢小雪  
五雲天上望前星龍文符珪連函出鶴禁簫韶弭節聽  
鄂國平南好勲業嘉言何處惜朝廷

三月十八日同饒介之馮仁伯張道源王伯純  
雅集城東李氏園亭賦此

三月雅集未知還况復夕陽猶在山金刀刻字碧筠上  
玉卮行酒青松間三年不見兵馬息一日且放吾儕閑

桃花杏花正無數明朝更約來東關

饒介之懷古有詩見和復用前韻以答

江水東流去不還幾人不老似青山九洲目斷蒼烟水  
萬古魂銷落照間石上鳥啼松樹合水邊人羨柳花閑  
更容野客重攜酒為報園翁莫掩關

自笑東園數往還年年詩債積如山身遊紫陌紅塵外  
心在青天白日間說劍談玄俱是錯焚香酌酒不如閑  
先生自是知幾者莫放聲名動紫闕

送謝參軍朝京二首

萬重玉帛會蓬萊先報中吳進表來  
內使傳宣催引見舍人當殿拆封開  
干戈載戢龍顏喜正朔重頒鳳歷回  
却袖天香上歸騎定分春色到蘇臺

霜落平原百草乾出門何處望朝端  
山林白髮相逢晚風雪滄江欲別難  
使命豈辭行地遠聖恩還復與天寬  
羣公定問君家世能為蒼生遠祖安

次饒介之瓊花詩韻

此花超出萬花羣  
闌檻真如隔彩雲  
瓊館曾蒙天一笑  
玉簫空負月三分  
溶溶瑞露通宵下  
細細香風隔院聞  
后土祠前春似夢  
至今紅袖客紛紛

賦得鐵甕城送楊克明之淮海書院山長

城郭猶存鐵甕基  
英雄曾此重藩維  
天連故國山為壘  
地設長江水作池  
西府尚憑東府壯  
今人不讓古人奇  
津亭我昔經行處  
目送風帆有所思

送姚節卿攝崇明判官

畫省歸來驛路長  
王荊傳道石田荒  
一春對酒悲時事  
四月乘槎過海洋  
殺賊豈圖金作印  
轉官行見繡為裳  
孤城民瘼思蘇息  
回首綸音賜寵光

和李克約東臯雜興四首

一春開遍雨中花  
幾向東園管物華  
老去始知身是客  
愁來空擬醉為家  
江樓簾箔飛香霧  
野寨旌旗絢采霞  
曳杖歸來還自笑  
夕陽原上數殘鴉

芍藥花開江雨晴  
幾時重作看花行  
松間攜妓從教俗



竹下留賓也自清一夜春愁無處著三分月色為誰明  
貧家亦有琴堪典好把平生意氣傾

閉戶拙於公是非似與江湖蹤跡稀酒中從令客罵坐  
爨下却念兒啼饑松江之鱸固可食沙苑有鳥宜高飛  
干戈滿地正如此萬水千山何處歸

李家園內好亭臺老去一春能幾回街頭酒貴我當買  
陌上花開君不來長繩難繫白日住清鏡莫掩朱顏催  
明朝有約速相就慎勿打碎玻璃杯

送鄭復初赴白沙蔡宅館

翠竹白沙江上春  
主人應喜得西賓  
隣翁送子去就學  
野老引孫來拜人  
夜几看書紅蠟短  
曉盤供饌白魚新  
邊塵不到滄州上  
我欲相從一問津

送周草牕歸九江

太平宮館化為塵  
近得麻姑信未真  
但見江湖同逆旅  
焉知天地有間人  
匡山白髮歸何晚  
彭澤黃花賞更新  
老去苦無超世術  
干戈滿地獨吾身

送李周南之浙西道

應辟江南肅政堂君才十倍憲諸郎先公向已乘驄馬  
多士今還覩鳳凰祖帳曉開山木霽官船夜泊水花涼  
三吳民力誅求盡當為明時振紀綱

送王仲汧御史除安慶府判

謫宦南來莫怨嗟府中爭喜判生花中朝正合持衡鑒  
御史何曾負國家未忝陽城官有庠全勝賈誼傳長沙  
終令國事還公等會見明廷辨正邪

奉寄余廷心元帥是時出鎮之舒州

保障江淮數十州中流屹立見君侯蒼生幾墮巔厓苦  
白髮因分社稷憂蟻蝨竟年生介冑貂蟬今日出兜鍪  
玉堂應有昌黎頌刻在龍眠最上頭

輓孫有道處士

廣陵故舊漸消磨白髮傷心奈爾何馬援車猶在鄉里  
黃公壚已隔山河百年華屋春風歇八月荒原夜雨多  
亂後與君成永訣幾行哀泪洒烟蘿

八月十五日聞真州官民潰竄道路蹂躪而死  
者不可勝言黃軍因之剽掠則天長六合等  
處莽為邱墟矣

白沙消息苦難真軍事危如火上薪老去未能生報國  
愁來只與死為隣豺狼夜嘯逃亡屋貌虎秋驚戰伐塵  
悵望天長一條路王師何處渡淮津

閏正月二十日聞泗州盱眙同日失守

野寨蒼茫落照中東征三載未成功黃金似土供兒戲

白骨如山泣鬼雄  
天狗星流軍府動  
水犀兵散弩臺空  
于今人力消磨盡  
誰念東南府庫窮

輓郁蕙德處士

身閱昇平近九旬  
至今蕙德動朝紳  
眼前耆舊無多傳  
亂後交遊復幾人  
龍顧青山開宅舍  
鶴歸華表離風塵  
茆原來見兵麾息  
相從靈車泪滿巾

白首其如死別何  
臨風老淚若懸河  
耆英社在晨星少  
禪智山空夜雨多  
薤露莫悲人換世  
桑田曾見海生波

殯宮空對棠梨發更擬重攜濁酒過

寄題西江羅隱君本心齋

江海翩然勇賦歸只從靜裡見天機一經斷送休休了  
萬事消磨念念非隱几不知流水動閉門常見白雲飛  
若為同結齋中友老向蒼山采薜薇

送淮南省掾王安中北上安中曾為今上說書

秀才

說書妙選近丹墀名姓曾為帝所知主父徒嗟相見晚

長卿母謂不同時淮南曹事稱仁恕鄴下民謠紀去思  
自古長才須大用諸公久待鳳凰池

甲午除夜有懷孟景章

夜牕兒女笑燈前亂世安居又一年隣甕且分藍尾酒  
客囊從換折腰錢凍消屋角簷簷雪寒壓爐頭榾柮烟  
安得重陪孟東海劇談終夜不成眠

題觀奕圖吳善淵作

仙翁對奕古松根當局機鋒未易論只許兩先饒日月



休將一著賭乾坤滿盤星斗無人測四角關河有路存  
樵子歸來柯已爛空山寥落又黃昏

王彥芳繡榮堂

色絲不染胭脂井銀漢縹成五色紋織女機中翻海水  
諫官衣上綉春雲清嚴地位人誰到錯綜天章手自分  
他日錦歸當白晝江花江草亦欣欣

送澧州王伯顏治中公昔征蠻有功

南荒萬里握戎機共詫君侯奏凱歸出界舊傳銅作柱

過家新喜錦為衣梯航入貢鯨波遠溪洞消兵羽檄稀  
今日中原方用武豈無鄉相布天威

輓周古善尊師

看罷瑤花去不還今聞笙鶴在雲間十洲何處留真迹  
萬古無人出此關林下故交同白髮江南舊業只青山  
丹經已付無為子月夜猶疑響珮環

沙子中監縣二子善才善慶俱登第因名其所  
居之山曰聯桂所以紀瑞也詩以美之

山翁高步月中來移得靈根手自栽  
仙籍許令諸子折  
君家先見兩枝開  
雙承御宴簪花出  
並惹天香滿袖迴  
自笑淮南謾招隱  
連蜷偃蹇老蒼苔

桂叢競發山之阿  
大株小株秋婆娑  
靈鷲峯頭月色薄  
烏龍潭上天香多  
吳剛持斧不敢近  
郝詵對策將如何  
豈惟二季在仙籍  
諸孫還見援枝柯

和崔元初秋日舒懷感時叙舊情見乎辭

淮南入幕皆名士  
邊上從軍總貴遊  
萬里又勞丞相出

九重獨使聖君憂  
禾生異畝虛占斗  
木落空江欲變秋  
召伯埭前聽報捷  
高郵城外解通舟

荔薜牆空雨氣深  
濕苔滿逕竹森森  
城中不得三農信  
塞上爭禁十日陰  
野佃負薪多未得  
隣翁乞米數相尋  
笙歌飲散者誰子  
命駕歸來醉墮簪

瀟洒君家錦照堂  
石泉秋水煮茶香  
沿池篠蕩鞭尤潤  
當戶蒲萄葉半黃  
東館壞垣塵漠漠  
西城殘照晚蒼蒼  
春時數聽尚書履  
幾送池邊月色涼

贈惟善駙馬野雲亭

萬里飛來廣漠雲  
隨時舒卷故繽紛  
風中不見孤飛迹  
日下都成五色紋  
從爾所之占隱者  
更堪持以獻吾君  
明時用汝為霖雨  
先向東南洗惡氛

六月二日書所見

干戈滿地起風塵  
民物凋零府庫貧  
黃犢烏犍烹作食  
雕梁畫棟拆為薪  
江淮經理須賢俊  
草澤誅求到隱淪  
漫道寬心應是酒  
老夫三日不沾脣

小軒有菊一本盛開兩花大如酒盃饒介之見  
而愛之連賦詩二首因次其韻

菊下呼兒典緼袍相看無酒目空蒿兩花迭出金杯大  
數葉輕攢翠羽高就手折來香澹澹滿頭簪得樂陶陶  
翅生有意來相覓留得芬芳荐蟹螯

滿徑香風吹客袍却勝秋野醉攢蒿東籬隱者世不泯  
南陽老人年最高大白盃中多趣味中黃闕內幾鈞陶  
莫令雨後荒三徑更趁霜前斫兩螯

安慶大節堂至正十二年既陷武昌江州諸郡  
俱各失守時韓功懋總管守安慶指禦有方  
江淮賴為屏蔽廷心余帥書大節於堂以旌  
武功

戰勝非難守勝難逆圖未伐胆先寒烏知天下無諸葛  
始信軍中有一韓當日雷霆歸號令至今烽火報平安  
雄文大扁同時出大節名堂後代看

次饒介之述懷佳作

讀書不致卿相事生計或與樵漁同杜門真是守株者  
傍人過呼居童翁今晨把鏡野服好有月無酒山瓢空  
綠陰滿地鳥聲罷向日獨有葵花紅

千古萬古道理大海內海外車書同青山看世等過客  
白髮催人吾已翁干戈三載道路斷斤斧一朝林野空  
西軒拭泪付長嘆悵望夕陽天際紅

題太湖李尹所收余廷心元帥書二封

兩函妙墨古所見一代高風人未知用兵不下羊叔子



食粥正如顏太師今日澄清在我輩長江保障非公誰  
更煩令尹回州日補入舒人遺愛碑

送拔寔彥卿被召之翰林直學士

天上仙人紫綺裘偶題明月到揚州日邊使者徵方急  
泉下姦臣死亦羞宣室正思前席問淮南誰賦小山幽  
玉堂信與人間隔肯為瓊花更少留

夜泊長橋

十丈虹蜺跨碧空行人過此莫匆匆大魚吹浪來船尾

明月流光出海東  
根本舊邦脣齒近  
邊廷諸將腹心同  
豐碑屹立書何事  
特紀當年謝傳功

燈下有感

城郭空虛鳥亂鳴  
彩旗拂柳夕陽明  
山林樂土非疇昔  
兵火殘民思太平  
海燕歸來無舊主  
野花滿地有餘情  
一尊酹月悲歌後  
搔首燈前百感生

金溪葛氏二孝烈女祠

葛女祠前薦荔蕉  
藤花風雨急飄蕭  
翠輶五夜靈氛下

銀穴千年寶氣銷太史已聞書孝烈遺民無復困征徭  
絳脣朱袖歸黃土惆悵何人說二喬

居竹軒詩集卷三

欽定四庫全書

居竹軒詩集卷四

元 成廷珪 撰

絕句五言

澹香亭

幽芳不自媚  
白日淨依依  
風露已如此  
山中人未歸

畫枯木

老樹半無葉  
石根餘野花  
高秋上河漢  
用汝作靈槎

墨蘭

能讓吳君子傷讒楚大夫延陵無宿草湘水有新蒲

晚興

多景樓紅樹秋風落白雲捕魚頻得雋驚鷺不成羣

畎畝

畎畝心常白江湖眼尚青悠悠今古路一一短長亭

畫竹

筆間珠樹長不借白雲栽盡日看龍挂空疑有雨來

趙承旨竹石

石間生石笋笋長又成林林下纖纖草王孫去國心

坐雨

行雲都是夢聽雨甚於秋  
瀾瀾盈階水時時一尺流

居竹軒

定居人種竹居定竹依人  
新笋甜於肉長竿健似身

題倭僧所畫菖蒲小景四首

海上青毛鶴山中綠髮仙  
相期采九節同爾壽千年  
劍脊秋逾勁鞭根老更繁  
何堪拜吾竹尚可友溪蓀

昔在嵩高日仙人不可招獨行南澗底采得虎鬚苗  
恠石玲瓏白方盆瑪瑙紅倭僧到中國何處挹清風

和饒介之春夜七絕

新月不落地四更猶有光無人防白兔竊夜搗玄霜  
澗松如老友歲晚可同襟獨立風塵表悠悠千古心  
落日五湖上獨行逢故人家如隔世無物可通神  
我有太古竹青天騎作龍明當渡江去歸聽廣陵鐘  
滄浪波濤闊崑崙世界多吾無縮地法誰有步天歌



酒量尚一斗髻絲餘幾莖辛夷開欲罷何日問歸程  
昨夜馬頭電滿天羊角風吹燈不敢寐愁坐欲書空

題三友軒湯直學求賦三首

古松存古操豈意受秦封歲晚風塵表空山作卧龍  
吾亦憐吾竹孤清人未知向來多俗病全得此君醫  
古梅如古士歲晚託同襟不作玉堂夢山林深更深

絕句七言

題宋子章竹

黃陵只在斷雲西苦竹叢深望欲迷  
帝子不歸春又晚  
滿林烟雨鷓鴣啼

洞賓出山像

散髮空山只短衣古來豪傑在知機  
無人識是純陽子  
萬壑千巖獨自歸

鄧孝子行卷二首

歌罷河東孝子詩滿堂賓客動嗟咨  
何由得著爛裊服  
一日娛親十二時

哭盡秋天月不明  
哀容憔悴欲無生  
泪痕漬入泉臺石  
萬古千秋父子情

徽廟御畫梔子白頭翁

梔子紅時人正愁  
故宮衰草不勝秋  
西風吹落青城月  
啼得山禽也白頭

客中久雨

水滿行厨欲產蛙  
苔封老屋亂啼鴉  
南風十日黃梅雨  
開盡冬青兩樹花

送劉將軍致仕歸襄陽

當年鐵馬渡襄江，敵國聞風夜納降。  
今日却歸江上去，峴山青滿讀書牕。

五月樓船始到家，山中無處不桑麻。  
今人却笑東門老，白髮春田獨種瓜。

秋塘戲鶯圖

滿塘秋水看蒼鶯，草軟沙平奈爾何。  
記得一羣黃似酒，杏花梁上落紅多。

春夜

酒兵無力破愁城  
春盡空山杜宇聲  
敲缺唾壺眠不得  
半簾花影月三更

贈劉生

玉堂官紙白於銀  
曾為山人寫綠筠  
絕似瀟湘烟雨外  
萬竿濃翠拂秋旻

送僧南歸

門外青山翠作堆  
好懷能為故人開  
浮杯不渡清淮水

却過西軒看竹來

芒屨猶香楚地花一瓶隨處是生涯  
不須乞食遊女去舍利城多長者家

青山白雲圖

不見茅齋舊隱君  
遶溪烟樹暮紛紛  
斷橋水滿無人渡  
誰向青山管白雲

墨梅

東閣衝寒雪一枝  
巡簷偏解索題詩  
何郎老去風情減

羞見踈花照髻絲

夜宿野城

露氣涓涓欲二更  
小舟猶向月中行  
前村知有人家近  
隔浦微聞犬吠聲

草蟲卷子

蝸名蝶夢總成空  
絡緯徒知紡績功  
何似螳螂化蟬去  
最高枝上吸清風

鳴蜩織女共驚秋  
嗟爾微蟲死即休  
瞋目鬪蛙猶未已

請看粘壁綴蝸牛

正月晦日

問余何事日匆匆把卷題詩轉不工  
檢歷又看正月過一分春在酒盃中

畫馬

圉人爭喜得驊騮撥入天閑早見收  
今日有誰憐駿骨西風沙苑蕨蓁秋

送人之武林



白鼻騮駟紫綺裘湧金門外醉瀛洲  
君家若有平安字  
寄在春風第幾樓

題四明太守丁宴學官卷子

莊嚴七寶供西僧甲第紛紛競割烹  
獨有四明賢太守  
杏壇春酒宴諸生

武林客舍

牕外青山啼子規吟魂正被酒禁持  
小樓一夜雨聲惡  
落盡碧桃人未知

綠楊橋

長溪春漲碧溶溶  
烟雨空濛濕采虹  
何事吹簫度清夜  
斷堤楊柳月明中

清泉寺

何人泉上記清游  
茶具橫陳晚未收  
木葉盡隨風掃去  
萬山清立寺門秋

題高房山墨竹

黃花山主澹遊翁  
寫竹依稀篆籀工  
獨有高侯知此趣

一枝含碧動秋風

題張天民移居圖

舊隱荆溪第幾村  
手栽松檜至今存  
大茅峯下千年鶴  
遶汝重來問子孫

同鄭德明訪寶曇上人  
不遇賦此二絕

白雲林下誦經寮  
隔岸香風遠更飄  
欲就禪床喫茶處  
倩人扶過木長橋

打門來訪寶曇僧  
松下雲深喚未應  
誰識三生舊行路

斷崖蒼蘚絡枯藤

題鄧毅夫所藏青山白雲圖

山後山前暝不分  
草堂無逕覓徵君  
惟餘玉氣無藏處  
散入空青作白雲

高昌王所畫蒲萄熊九臯藏

玉闕西去火州城  
五月蒲萄無數生  
今日江南池館裡  
萬株聯絡水晶棚

雲山小景

我家草堂南澗濱門前不識車馬塵白雲相隨過山去  
天地別有人間春

青山白雲圖

溪上長松已合圍草堂無事客來稀濕雲生滿東山路  
日暮野樵何處歸

唐明皇吹簫圖二首

寢殿春深晝漏遲榻前侍立已多時玉簫自按霓裳曲  
賜與梨園子弟吹

花萼樓前柳色新東風吹散馬嵬塵錦囊玉管俱零落  
誰是終南夢裏人

題蒲塘雙燕圖為劉小齋作

昭陽池館晚風微花落巢空去未歸却是蒲塘春雨潤  
年年還傍小齋飛

九月十二日出北郊

官河兩岸土城低旗幟青紅望欲迷萬木千林誰伐盡  
數家茅屋野烏啼

竹枝歌

道士莊前秋事多東家西家收晚禾船頭把酒對明月  
打聽夜場人唱歌

喬麥花開如白烟併催農事了霜前晚禾未割豆先熟  
雙髻女兒齊下田

題獐猿便面

樹上孤猿樹下獐山林物性各相忘不知萬里中原濶  
鷹犬交馳首宿場

訪王伯純晚歸

長洲苑內舊池臺  
白髮山人恰再來  
無限客愁渾忘却  
小樓聽雨杏花開

和饒介之秋懷詩韻

隣甕新筍翅米香  
夢魂夜夜遶糟床  
故人不飲今何在  
秋盡空山苜蓿長

江風吹盡暮天霞  
我本淮人來寄家  
吳門留滯不歸去  
開盡西軒白鶴花



夜半金烏海上翔行來夾日酷於霜庭前幾個芭蕉葉  
未到秋來一半黃

鐵鑠蒼江第幾關揚州花竹夢中看也知無賴三分月  
照見沙場白骨寒

月落未落明星高宿雲卷盡無秋毫中庭隱几復假寐  
候蟲四壁聲勞勞

湖面茨蓴葉半舒湖中新出四腮魚黃金換酒須當醉  
莫信黃金可貯儲

鳳凰橋西淮子河年年租吏夜催科  
祗今田父無消息  
豹虎滿天將奈何

氛祲冥冥晚未消  
浙江三日不通潮  
令人却憶馮公子  
知在西湖第幾橋

彭澤歸來落浩然  
風流不寫義熙年  
東籬菊種無尋處  
老樹荒臺鎖暮烟

橫江孤鶴翅如輪  
一別山林五百春  
肯借老夫騎過海  
方壺圓嶠少風塵

再次韻

花燭銀臺沈水香為郎先暖合歡床  
小姑納聘山堂上  
纏酒紅綃十丈長

橫江江水蕩晴霞秋盡夫君不到家  
閨中小鬟也浪語  
陌上聽歌楊白花

寫就安書無便翔寒衣著破過三霜  
但記送郎初上馬  
窄袖短衫穿柳黃

西到長干過幾關附得書來儂自看  
八疋四川十樣錦

裁作郎衣遮早寒

竹枝歌比柳枝高紅紙烏絲紫兔毫夫婿從軍不識字  
殷懃寫去也徒勞

阿翁生兒如阿舒少年不殊同隊魚但見門前有人客  
肯信篋中無積儲

老翁買舟西市河去應不求聞達科阿婆牽衣翁且住  
下第歸來將奈何

洞庭山嵐猶未消砲車雲起怕風潮勸郎把舵莫放手

水惡須防第四橋

江頭野花紅欲然  
春去秋來不記年  
尋得秦皇繫纜石  
青沙一色草如烟

鴛鴦湖西湖水涼踏藕採蓮來  
覓郎郎意莫如菱刺短  
妾情只似藕絲長

江南秋熟轉饑寒  
頭上猶簪烈士冠  
雞犬全家上天去  
學仙悔不事劉安

題南竹

洞庭南去竹如雲老葉新梢亂不分  
帝子不歸風雨惡  
深林何處覓湘君

題宮人汲井

轆轤輕轉汲清泠玉碗盛來進內庭  
別院有人愁似海  
眼花落井怨銀瓶

雜賦五首

民間升斗糶倉陳五十青錢一束薪  
黑潦滿街風雨惡  
日中猶有未炊人

農父驅牛曉入城可憐牛賣盡遭烹明年湖上休兵後  
一寸荒田不得畊

破錢羞澁客囊傾菜把青青價稍平却喜來朝知肉味  
敢云何處有魚羹

高陽社裡醉復醒于今老友俱凋零街頭酒薄不堪飲  
四百青錢沽一瓶

十月一日河上行軍中少年知姓名誰家一兒駕艇子  
肯載老夫同入城

哭馬士明都事


冥冥妖祲黑如雲湖上旌旗亂不分父子四人同戰死  
邊庭誰說馬將軍

干戈未定失英雄野寨無人戰艦空三十六陂波浪惡  
故人何處哭秋風

題徐仲原所藏王冕畫紅梅

羅浮仙子絳綃裳也欲隨時學艷粧今日北人渾見慣  
杏花同色不同香





欽定四庫全書



居竹軒詩集

卷四

五

居竹軒詩集卷四